



12.^a CONVOCATORIA DE AXUDAS DA UNIVERSIDADE DA CORUÑA PARA OS ESTUDANTES GAÑADORES DE OLIMPIADAS CIENTÍFICAS

CURSO ACADÉMICO 2018/2019

A Universidade da Coruña (UDC), co fin de fomentar as actividades de extensión universitaria como medio de promoción do coñecemento, así como de incentivar a calidade na formación do estudantado que accede por primeira vez aos estudos universitarios, fai pública a 12.^a convocatoria de axudas para os estudantes clasificados en primeiro, segundo ou terceiro posto nas olimpíadas de Bioloxía, Física, Matemáticas, Química, Economía ou Xeoloxía, nas súas fases local, autonómica ou nacional.

1. Obxecto das axudas

O obxecto desta convocatoria consiste en recoñecer o labor realizado polo estudantado nas diversas fases das olimpíadas científicas das áreas de Bioloxía, Física, Matemáticas, Química, Economía ou Xeoloxía, nas súas fases local, autonómica ou nacional, e premiar os resultados dos primeiros, segundos e terceiros clasificados.

2. Requisitos

Poderán solicitar esta axuda da UDC os estudantes que cumpran os seguintes requisitos:

- a) Terse matriculado por primeira vez no curso académico 2018/2019 en calquera das titulacións oficiais impartidas nesta universidade.
- b) Ter finalizado os estudos de bacharelato no curso 2017/2018.
- c) Ao longo do curso 2017/2018, terse clasificado no primeiro, segundo ou terceiro posto das olimpíadas científicas de Bioloxía, Física, Matemáticas, Química, Economía ou Xeoloxía nas fases local, autonómica ou nacional.

3. Forma, prazo e lugar de presentación das solicitudes

Os solicitantes deberán presentar a seguinte documentación:

- a) Solicitud en que consten os seus datos persoais, segundo o modelo que se xunta a esta convocatoria.
- b) Fotocopia do DNI.
- c) Certificado acreditativo da condición de primeiro, segundo ou terceiro clasificado na fase local, autonómica ou nacional dalgunha das olimpíadas científicas (Bioloxía, Física, Matemáticas, Química, Economía ou Xeoloxía).

O prazo de presentación de solicitudes contará **desde o día seguinte á publicación desta convocatoria** no Taboleiro Electrónico Oficial da UDC ata **o día 10 de outubro de 2018, ás 14:00 horas**. As solicitudes presentaranse nos rexistros desta universidade, dirixidas ao SAPE, nas seguintes localizacións:

- a) Rexistro Xeral: Reitoría, rúa da Maestranza 9, baixo, 15001 A Coruña.
- b) Rexistro Auxiliar: Campus A Zapateira-Facultade de Ciencias, baixo, 15071 A Coruña.
- c) Rexistro Auxiliar de Ferrol: Edificio de Apoio ao Estudo, baixo, 15403 Ferrol.

4. Procedemento e criterios de selección dos adxudicatarios

O estudo das solicitudes presentadas e a selección dos adxudicatarios será efectuada pola Comisión de Extensión Universitaria, delegada do Consello de Goberno da UDC, cuxa composición pode consultarse na seguinte páxina web:



https://www.udc.gal/gl/goberno/organos_colexiados_e_estatutarios/consello_goberno/comisiones_estables/index.html

Unha vez comprobado que os solicitantes cumpren os requisitos establecidos no apartado 2 da convocatoria, procederase á selección de adxudicatarios, cuxo único criterio será terse clasificado ou non no primeiro, segundo ou terceiro posto dalgunha das olimpíadas científicas organizadas no Estado.

5. Número de axudas, dotación económica e financiamento

Concederáse un máximo de dezoito axudas, repartidas do seguinte xeito:

- a) Seis axudas de 715 € para cada un/ha dos primeiros clasificados nalgunha das fases das olimpíadas científicas referidas nesta convocatoria.
- b) Seis axudas de 450 € para cada un/ha dos segundos clasificados.
- c) Seis axudas de 370 € para cada un/ha dos terceiros clasificados.

Estas axudas financiaranse con cargo á partida orzamentaria 0300030006.422D.480.01 Axudas Olimpíadas Científicas-VEPEU.

Ao importe bruto da axuda seralle de aplicación o desconto previsto no Real decreto legislativo 3/2004, do 5 de marzo, polo que se aproba o texto refundido da Lei do imposto sobre a renda das persoas físicas. Aboarase nun único pagamento.

7. Natureza da relación coa persoa seleccionada coa UDC

As persoas seleccionadas non adquiren ningunha relación laboral nin administrativa coa UDC, nin a selección implica ningún compromiso en canto á súa posterior incorporación ao cadro de persoal desta universidade.

8. Incompatibilidades

Estas axudas serán incompatibles cos Premios da Universidade da Coruña á Excelencia Académica no Bacharelato.

9. Resolución da convocatoria

As axudas concederanse mediante resolución administrativa da presidenta da Comisión de Extensión Universitaria, a vicerreitora de Estudantes, Participación e Extensión Universitaria, que se fará pública no Taboleiro Electrónico Oficial da UDC cos efectos previstos no artigo 45 da Lei 39/2015, do 1 de outubro, de procedemento administrativo común das administracións públicas.

Contra esta resolución poderá interpoñerse recurso de alzada perante o reitor da UDC consonte os artigos 121 e 122 da citada lei.

A Coruña, 3 de setembro de 2018

A vicerreitora de Estudantes, Participación e Extensión Universitaria

Margarita Amor López



**12.^a CONVOCATORIA DE AXUDAS DA UNIVERSIDADE DA CORUÑA PARA OS
ESTUDANTES GAÑADORES DE OLIMPIADAS CIENTÍFICAS**

CURSO ACADÉMICO 2018/2019

SOLICITUDE

Nome e apelidos:

DNI: **Teléfono:**

Enderezo para os efectos de notificación:

.....

Poboación: **Código postal:**

Centro da UDC en que está matriculado/a:

.....

Titulación en que está matriculado/a:

.....

Olimpíada científica a que concorreu:

Fase en que concorreu:

Posto acadado na olimpíada:

A Coruña/Ferrol, de de 2018

Asdo.:

DOCUMENTACIÓN QUE SE ACHEGA COA SOLICITUDE

☐ Fotocopia do DNI

☐ Certificado acreditativo do posto acadado nas olimpíadas a que se concorreu

SERVIZO DE ASESORAMENTO E PROMOCIÓN DO ESTUDANTE (SAPE)